

Bioteknologiako I+Gren gastua Euskal AEn 142,2 milioi eurokoa izan da 2021ean, % 12,3 egin baitu gora

Emakumeen presentzia bioteknologiako I+Gn gehiengoa da, % 60,8koa

Euskal AEn, 2021ean, bioteknologiarekin lotura duten jardueretan barneko I+Gko gastua 142,2 milioi eurokoa izan da, 2020an baino % 12,3 handiagoa, Eustatek emandako datuen arabera. Gastu hori barneko I+Garen gastu osoaren % 8,6 izan da.

2.516 enplegatu izan dira; alegia, dedikazio osoarekin baliokidetzan, 1.667. Bioteknologian dedikazio osoarekin baliokidetzan dauden langile horien kopuruak % 9,5 egin du gora, aurreko urtearekin alderatuta, eta I+Gko dedikazio osoarekin baliokidetzan dauden langileen % 8 dira. Ikertzaile-lanetan 1.245 pertsonak jardun dute dedikazio osoaren baliokidetzan, aurreko urtearen aldean % 9,1 gehiagok.

Nabarmendu behar da datu horiek, bai bioteknologiako gastuari dagokionez bai dedikazio osoaren baliokidetzako langileei dagokienez, 2007an hasitako serie historikoko altuenak direla.

Era berean, aurreko urteetan gertatu bezala, azpimarratzekoa da I+Gko adar horretan emakumeen presentzia; 2021ean lanaldi osoan bioteknologian lan egin duen pertsona kopuru osoaren % 60,8 izan da.

101 erakundek, guztira –haietatik 95 enpresak–, bioteknologiako ikerketa-jarduerak egin dituzte 2021ean. Gainera, 101 erakunde horietatik, 72k haien gastuaren % 100a bioteknologiako barneko I+Gra bideratu dute.

Bioteknologiako barneko I+Gko gastuaren % 68,6 Enpresen sektoreak egin du

Enpresen sektorea da bioteknologiako barneko I+G jardueretan egindako guztizko gastuaren ehuneko handiena duena (% 68,6); proportzio hori 2020koaren (% 68,3) antzekoa da.

Gainerako sektoreek –Goi-mailako Irakaskuntzak (% 25,5) eta Administrazio publikoak (% 5,9)– 2021ean gainerako gastuaren % 31,4 gauzatu dute.

Bioteknologiako barneko I+G: gastuaren eta langileen bilakaera (DOB) Euskal AEn. 2011-2021

	2011	2012	2013	2014	2015	2016	2017	2018	2019	2020	2021
Barneko I+G											
Guztira (mila eurotan)	85.941	85.646	92.042	86.677	85.691	84.690	93.221	112.534	123.354	126.610	142.198
Urteko gehikuntza (%)	-1,7	-0,3	7,5	-5,8	-1,1	-1,2	10,1	20,7	9,6	2,6	12,3
Langileak (DOB)											
Guztira	1.032,9	1.081,8	1.182,9	1.183,7	1.255,5	1.234,8	1.345,5	1.442,1	1.472,7	1.521,5	1.666,5
Urteko gehikuntza (%)	0,5	4,7	9,3	0,1	6,1	-1,6	9,0	7,2	2,1	3,3	9,5
Ikertzaileak (DOB)											
Guztira	752,6	809,8	903,3	909,3	977,0	964,5	1.031,0	1.087,7	1.106,7	1.141,0	1.244,9
Urteko gehikuntza (%)	-5,6	7,6	11,5	0,7	7,4	-1,3	6,9	5,5	1,7	3,1	9,1

DOB= Dedikazio Osoko Baliokidetzak

Data 2022ko Abenduaren 16a

Iturria: Eustat, Bioteknologiako I+Gri buruzko estatistika

Administrazio publikoak bioteknologiako barneko I+Garen % 49,5 finantzatu du


Funtsen jatorriarren arabera, bioteknologiarekin lotutako barneko I+G jarduerak, 2021ean, Administrazio Publikoaren (% 49,5) eta Enpresen (% 38,5) funtsekin finantzatu dira nagusiki (aurreko urteko % 35,0 aldean gora egin dute). Gainerakoa, Atzerriko funtsen (% 8,7) eta Goi-mailako Irakaskuntzaren (% 1,7) eta Irabazi-asmorik gabeko erakunde pribatuen (% 1,6) funtsen bidez finantzatu da.

Bioteknologia-ikerikuntzatik lortutako produktuak, batez ere, Giza Osasunean (gastu osoaren % 76,7) aplikatzen dira. Oso urrunetik jarraitzen diote Elikadurak eta Animalien osasunak eta akuikulturak (% 7,3 eta % 5,8, hurrenez hurren). Gainerako arloetan banatzen da beste % 10,2a, antzeko ehunekoekin: Ingurumena, Industria eta Nekazaritza eta baso-produkzioa.

Kapitalerako sarbidea eta Denbora/kostua dira bioteknologian barneko I+G jarduerak garatzeko oztopo nagusiak

Azkenik, bioteknologiako ikerketa- eta garapen-jarduerak 2021ean aurrera egitea zaildu duten oztopo nagusiak Denbora/kostua erlazioa eta Kapitalerako sarbidea dira, % 94 eta % 90, hurrenez hurren. Arautze-betekizunak hirugarren tokian daude, % 80ekin.

Bioteknologiako I+G garatzeko oztopoak (%). 2021



Iturria: Eustat. Bioteknologiako I+Gren estatistika

Oharra: Eustatek eskerrak eman nahi dizkie estatistika hau egiten elkarlanean jardun duten enpresa eta erakunde guztiei, eginiko ahaleginagatik; informazio-bilketa 2022ko apiriletik urrira bitartean egin da. Haien laguntzarik gabe, ez litzateke posible izan.

Informazio gehiago nahi izanez gero::

Eustat - Euskal Estatistika Erakundea / Instituto Vasco de Estadística

Donostia kalea 1, 01010 Vitoria-Gasteiz

Prensa Zerbitzua: servicioprensa@eustat.es Tlf: 945 01 75 62